



Cov Lus Kheev Nug Txog Kev Sib Txuas Lus (FAQ)

Kev muaj peev xwm sib txuas lus pab kom tus neeg sib nrog lwm tus sib raug thiab ua rau lawv ua haujlwm tau txhua hnuv. [Txoj Cai Kev Sib Txuas Lus](#) qhia txog tus neeg txoj cai los sib txuas lus hauv txhua yam hauv lawv lub neej, suav nrog kev sib tham nrog lwm tus, tswj kev sib raug zoo, xaiv, sib tham tswv yim, nug cov lus, muab cov ntaub ntawv, thiab qhia kev xav, kev xav tau, thiab lub siab ntsws. Nws yog qhov zoo tshaj los kawm seb tus neeg nyiam sib txuas lus li cas. Vim qhov cov nyom ntawm txhua tus neeg xav tau kev sib txuas lus, kev daws teeb meem zoo yuav txawv rau txhua tus. Yog tias koj muaj lus nug lossis kev txhawj xeeb lossis xav kom cov ntaub ntawv no raug muab txhais ua lwm hom lus, thov email Questions@dds.ca.gov.

Lus Nug 1. Cov kev pabcuam ntawm kev sib txuas lus yog dab tsi?

Lus Teb 1. Kev pabcuam sib txuas lus muaj xws li kev txhawb, kev cob qhia, thiab/lossis cov twj fai fab uas pab tib neeg sib txuas lus zoo. Lawv kuj tseem pab tau cov neeg hauv tsev neeg txhawb nqa ib tus neeg txoj kev sib txuas lus.

Lus Nug 2. Cov kev pab cuam sib txuas lus pab tib neeg li cas?

Lus Teb 2. Kev sib txuas lus yog qhov tseem ceeb rau kev pab tib neeg sib raug thiab tsim kev ntaus phoojywg. Cov kev pabcuam kev ntawm sib txuas lus pab tib neeg los qhia lawv txoj tej kev xav, lub siab ntsws, kev toob kas, thiab kev ntshaw. Thaum cov txuj ci no tau muaj los lawm, nws txhawb kev ywj pheej thiab pab kom lawv koom tej ub no hauv tsev kawm ntawv, chaw haujlwm, thiab lawv lub zej zog. Txhua tus neeg yuav tsum muaj cib fim los sib txuas lus.

Lus Nug 3. Leej twg thiaj tau txais kev pabcuam kev sib txuas lus?

Lus Teb 3. Cov tib neeg uas tsis siv tsis tau cov lus hais ua thawj txoj kev uas sib txuas lus mas tau txais cov kev pabcuam no. Cov neeg no tej zaum yuav tsis hais lus lossis tsis qhia siab. Hu rau koj lub chaw pabcuam hauv cheeb tsam yog tias koj lossis koj tsev neeg xav tau txais kev pabcuam sib txuas lus. Cov menyuam muaj hnuv nyoog 3-21 xyos kuj sab laj tau nrog lawv pab pawg Kev Kawm Rau Tus Kheej (IEP) xwv thiaj kawm ntxiv txog kev txhawb nqa ntawm kev sib txuas lus muaj nyob hauv lawv lub tsev kawm ntawv.

Lus Nug 4. Qee qhov kev pab sib txuas lus muaj lcas?

Lus Teb 4: Muaj ntau txoj kev sib txuas lus uas tib neeg siv nyob ntawm seb lawv toob kas dabtsi. Qee tus yuav siv cov lus pom xws li American Sign Language (ASL), Certified Deaf Interpreters (CDI), thiab ASL Interpreters kom muaj kev sib txuas lus ntawm cov lag ntseg lossis tsis hnov lus nrog cov neeg hais lus. Qee tus neeg tej zaum yuav siv kev pab txhawb sib txuas lus. Qee qhov piv txwv suav nrog rau:

- Daim kab das sib txuas lus
- Lub tshuab pab tawm suab
- Cov app hauv koospistawj ntawm tes

Lwm tus neeg tej zaum yuav siv cov cuab yeej kho mob ntev uas pab lawv hais lus. Qee qhov piv txwv suav nrog rau:

- Lub suab cuav
- Electrolarynx

Lus Nug 5. Kev Txhawb Kev Sib Txuas Lus thiab Lwm Yam Kev Pab Sib Txuas Lus (Alternative Communication, AAC) yog dab tsi

Lus Teb 5. Cov tib neeg uas tsis qhia tsis tau lawv tus kheej hais lus siv tau ntau hom kev sib txuas lus los sib raug nrog lwm tus. AAC suav nrog txoj kev pab sib txuas lus thiab tsis kev sib txuas lus uas tsis pab txhawb. Kev pabcuam sib txuas lus muaj xws li cov khoom siv fai fab lossis tsis fai fab, xws li duab, sau ntawv, koospistawj ntawm tes, daim kab das sib tham, thiab cov khoom siv tawm suab (SGD). Kev sib txuas lus tsis muaj kev txhawb tsis tas yuav muaj cov khoom siv ntxiv, thiab tej zaum yuav muaj xws li lub ntsej muag, lub cev kho nyob lcas, kev taw qhia, lossis cov cim qhia. Cov neeg ntawm txhua lub hnuv nyoog siv tau AAC, thiab nws tsis tas yuav tsum muaj kev txawj ua ntej.

Lus Nug 6. ASL yog dab tsi?

Lus Teb 6. American Sign Language (ASL) yog ib hom lus uas muaj tib yam lus zoo li cov lus hais. Nws cov qauv sau ntawv yog qhia siv cov duab tes, lub ntsej muag, thiab lub cev los qhia lub ntsiab lus. Nws yog thawj hom lus ntawm ntau tus neeg Amelikas Sab Qaum teb uas lag ntseg thiab tsis hnov lus. Ntau tus neeg hnov lus zoo kuj hais ASL, thiab nws yog hom lus kheev siv heev thib peb hauv Tebchaws Amelikas. Ntau tshaj 300 hom lus piav tes raug siv sib thoob ntiaj teb.

Lus Nug 7. Kev hais lus ASL nrog kev kov yog dab tsi?

Lus Teb 7. Kev hais lus ASL nrog kev kov (pro-tactile ASL, PTASL) yog hom lus hais lus nrog kev kov rau cov neeg lag ntseg-dig muag, tsim los ntawm lawv thiab rau lawv. Nws siv kev kov ntawm lub cev los sib txuas lus ntau dua li pom cov duab tes. PTASL yog qhov kev sib txuas lus tab tom tawm tshiab. Qhov chaw sib kov sib tham ntawm tes, caj npab, thiab nraub qaum cia rau kev sib koom ua ke ntau dua thiab sib txuas lus tob zog.

Lus Nug 8. Leej twg txiav txim siab seb qhov kev sib txuas lus lossis kev pabcuam twg thiaj toob kas tiag?

Lus Teb 8. Tus neeg lossis tsev neeg tuaj yeem sab laj nrog tus kws kho kev hais lus (SLP) uas muaj ntawv tshaj lij thiab tsim nyog ua kev ntsuam xyuas. Cov qauv tsim nyog lossis hom kev sib txuas lus thiab kev txhawb nqa kev sib txuas lus yog txiav txim siab los ntawm cov kev toobkas ntawm tus kheej thiab lawv cov neeg koom tes sib txuas lus (ASHA, 2024). Cov tib neeg uas txheeb xyuas qhov tsis hnov lus kuj tuaj yeem ntsib tau nrog Tus Kws Qhia Lag ntseg thiab raug xa mus rau tus kws kho suab kom tshawb nrhiav lwm txoj hauv kev. Txoj Cai Neeg Asmeskas Nrog Kev Tsis Muaj Peev Xwm Tshooj 36.303 xav kom cov cuab yeej sib txuas lus lossis kev pabcuam raug muab rau hauv cov qauv siv tau, xa tuaj raws sijhawm, thiab tiv thaiv kev ceev ntiag tug thiab kev ywj pheej ntawm cov muaj cov kev ua tsis tau. Tsis tas li ntawd, qhov ua tau zoo ntawm cov kev pabcuam thiab cov kev pabcuam no nyob ntawm tus qauv kev sib txuas lus uas siv los ntawm tus kheej, qhov xwm txheej, qhov ntev thiab qhov nyuaj ntawm kev sib txuas lus thiab cov ntsiab lus ntawm kev sib txuas lus tshwm sim.

Lus Nug 9. Cov tsev siv tau kev pabcuam sib txuas lus li cas?

Lus Teb 9. Muaj ntau txoj hauv kev kom tau txais kev pabcuam ntawm kev sib txuas lus nyob ntawm seb koj tus menyuam toobkas kev pab sib txuas lus lcas. Cov tsev neeg tuaj yeem tiv tauj tau lawv lub chaw haujlwm hauv cheeb tsam hauv cheeb tsam lossis tus neeg saib xyuas kev pabcuam yog xav paub ntxiv. Cov tsev neeg tseem tuaj yeem tshawb nrhiav tau lawv cov

ntawv pov hwm rau kev duav kev kho hais lus thiab tej twj fai fab uas pabcuam. Cov menyuam yaus uas paub tias yog neeg Lag Ntseg thiab tsis hnov lus tau raug xa mus rau kev soj ntsuam kev hnov lus thiab cov neeg lag ntseg los ntawm [LEAD-K Family Services](#). Cov kev pab cuam hom lus pub dawb online muaj rau tsev neeg. Muaj cov kev pab cuam hauv xeev, xws li [California Children's Services](#) (CCS), uas tuaj yeem pab nyiaj rau kev pab kho kev hais lus. Lub Chaw Saib Xyuas Kev Kawm Hauv Zos (Local Educational Agencies, LEAs) tuaj yeem muab kev kho hais lus lossis yuav khoom siv cuab yeej cuab tam (AT) thiab cov kev pabcuam raws li tus menyuam toobkas.

Nrhiav koj lub chaw hauv cheeb tsam los ntawm kev siv qhov txuas no: [Nrhiav Lub Chaw Hauv Cheeb Tsam](#)

Kev Pabcuam Ntawm Kev Sib Txuas Lus Rau Cov Me Nyuam Hnub Nyoog Txij Yug Los txog 36 Lub Hlis

Lus Nug 1. Kuv yuav ua li cas yog tias kuv muaj kev txhawj xeeb txog kuv tus me nyuam mos/tus me nyuam txoj kev loj hlob hais lus?

Lus Teb 1. Lub sijhawm loj hlob ntawm kev yug mus rau 3 xyoo yog qhov tseem ceeb rau kev kawm kev hais lus thiab kev hais lub laj lim tswv yim. Cov tsev neeg tuaj yeem sab laj tau nrog lawv thawj tus kws kho mob txog lawv cov kev txhawj xeeb. Tus me nyuam tus kws kho mob tuaj yeem xa tau koj mus rau ib lub chaw hauv cheeb tsam lossis tus kws kho kev hais lus muaj rau kev ntsuam xyuas. Tej zaum nws kuj yuav raug pom zoo kom koj tus menyuam muaj kev ntsuam xyuas kev hnov ntsej. Koj kuj tuaj yeem mus saib tau lub vev xaib [Early Start](#) rau cov ntaub ntawv thiab cov kev pab ntxiv.

Lus Nug 2. Kuv yuav paub li cas yog kuv tus menyuam toobkas kev pab kho kev hais lus?

Lus Teb 2. Txhua tus me nyuam tshwj xeeb, thiab nyias txawv nyias ntawm kev hais lus thiab kev loj hlob ntawm cov lus. Yog tias koj tus menyuam tsis tau raws li Lub Tsev Haujlwm Saib Xyuas Kabmob thiab Tiv Thaiv Kabmob (CDC) txoj kev loj hlob tseem ceeb, lossis yog tias koj muaj kev txhawj xeeb txog koj tus menyuam txoj kev hais lus thiab/lossis kev hais lus, nrog koj tus kws kho mob lossis lub chaw pabcuam hauv cheeb tsam rau kev loj hlob. kev tshuaj ntsuam los yog kev hais lus thiab kev ntsuam xyuas lus. Cov niam txiv kuj tuaj yeem tiv tauj tau lawv lub chaw pabcuam hauv cheeb tsam kom xa lawv tus menyuam mus koom Early Start. Thov mus saib [CDC lub vevxaib](#) rau daim ntawv teev cov kev loj hlob tseem ceeb ntawm lub hnub nyoog. California Lub Tsev Haujlwm Saib Xyuas Kev Kawm (CDE) kuj tseem muaj cov daim teev qhia txog cov homphiaj ntawm kev hais lus rau cov menyuam yug los lawm txog tsib xyoo, [SB 210 Language Development Milestones](#).

Lus Nug 3. Kev ncauj thiab hais lus qeeb yog dab tsi?

Lus Teb 3. Kev hais lossis ncauj lus qeeb yog thaum tus menyuam ncav tsis cuag cov homphiaj ntawm kev loj hlob tseem ceeb. Kev ncauj thiab hais lus qeeb zog mas txhais tau tias tus menyuam cov txuj sib txuas lus (tsis hais kev to taub thiab tawm lus ob yam) tab tom tshwm qeeb dua lwm tus uas muaj hnub nyoog tib yam. Yog tias tus me nyuam muaj teeb meem qhia txog teebmeem, cov kev xav, tswv yim, thiab nyuaj to taub tej luag hais, tej zaum nws muaj teebmeem ntawm kev sib txuas lus lossis qhov uas tau hau ntsoov qeeb zog. Yog hais tias tus me nyuam muaj teeb meem tawm suab thiab cov lus, lawv yuav muaj kev teeb meem ntawm kev hais lus lossis tau hau ntsoov qeeb.

- Kev hais lus: hais txog lub cev tawm suab thiab cov lus.
- Yam Lus: suav nrog kev nkag siab thiab siv cov lus, cov pawg lus, thiab kab lus los sib txuas lus.

Lus Nug 4. Tus qauv saib xyuas kev hais lus hom twg thiaj yuav pab tau kuv tus menyuam li cas?

Lus Teb 4. Ib qho qauv kev saib xyuas tas mus li rau kev kho lus hais lus muaj kev sib koom ua ke ntau dua, kev siv ntau yam, thiab muaj pab tau zoo rau kev cuam tshuam thaum ntxov. Cov qauv no muab cov txiaj ntsig kev txhim kho kom zoo dua qub, txhim kho kev koom tes thiab kev txhawb nqa, kev pabcuam dav thiab kev sib koom ua ke, kev ua tus kheej ntau dua thiab yoog raws, thiab ua kom muaj txiaj ntsig thiab ua tau zoo.

Lus Nug 5. Dab tsi thiaj yog cov kev pab ntxiv rau cov menyuam Lag Ntseg lossis tsis hnov lus?

Lus Teb 5: California Txoj Cai Kev Kawm Ntawv Ntu 56326.5 xav kom muaj kev txhim kho niam txiv cov peev txheej txhawm rau txheeb xyuas kev loj hlob lub hauv paus tseem ceeb thiab txoj cai rau California Lub Tsev Haujlwm Saib Xyuas Kev Kawm (CDE) txhawm rau xaiv cov cuab yeej uas twb muaj lawm lossis kev tshuaj ntsuam xyuas rau cov kws qhia ntawv txhawm rau tshuaj xyuas cov neeg lag ntseg thiab tsis hnov lus cov menyuam hais lus thiab kev paub nyeem ntawv. CDE muab ib daim ntawv teev cov hom phiaj tseem ceeb rau cov niam txiv taug qab lawv tus menyuam txoj kev loj hlob ntawm cov lus. Rau ib daim ntawv teev cov hom phiaj tseem ceeb txij thaum yug los mus txog tsib xyoos rau cov menyuam uas Lag Ntseg lossis tsis hnov lus, koj tuaj yeem mus xyuas tau CDE lub vev xaib ntawm

<https://www.cde.ca.gov/sp/ss/dh/sb210langmilestones.asp>.

Lus Nug 6. Kuv yuav ua li cas yog tias kuv tus menyuam raug pom tias tsis hnov lus thaum lub sijhawm kuaj tus menyuam yug tshiab?

Lus Teb 6. Tham nrog koj tus kws kho menyuam yaus thiaj txiav txim siab seb koj tus menyuam puas yuav tsum rov kuaj dua. Tus kws kho menyuam yaus lossis tsev kho mob yuav xa koj tus menyuam mus rau kev soj ntsuam nrog rau tus kws kho menyuam yaus ua ntej koj tus menyuam muaj hnuv nyoog ib hlis. Yog tias koj tus menyuam tau raug kuaj pom tias tsis hnov lus koj tus kws kho mob yuav tsum xa koj mus rau Early Start thiab Lead-K Family Services. Koj kuj tuaj yeem tiv tauj tau Lub Tsev Haujlwm ntawm Earlystart@dds.ca.gov los yog mus saib lub [vev xaib Early Start](#) thiaj txais kom tau kev pab cuam Early Start. Yog tias tsim nyog, nws yog ib qho tseem ceeb rau koj tus menyuam pib txais cov kev pab cuam sai li sai tau.

Muaj kev pab ntxiv rau tsev neeg kom xyuas tau:

- [Menyuam Tsis Hnov Lus | Menyuam Tsis Hnov Lus | CDC](#)
- [LEAD-K Family Services](#)
- [Tes & Suab](#)
- [Kuv Tus Me Nyuam Kev Hnov](#)

Lus Nug 7. Kuv tus menyuam mos/menyuam yaus puas tuaj yeem tau txais ev pab los ntawm kev siv kev sib txuas lus lossis AAC?

Lus Teb 7. Tsis muaj hnuv nyoog txwv rau kev siv AAC. Ua kom tiav kev ntsuam xyuas ntawm kev hais lus, to taub lus, thiab kev sib txuas lus tsim nyog los txiav txim siab seb txoj pab kev sib txuas lus lossis kab ke thiaj zoo tshaj rau koj tus menyuam. Thov xa mus rau koj lub chaw hauv cheeb tsam hauv cheeb tsam yog tias koj xav tau cov ntaub ntawv ntxiv.

Kev Pab Siab Txuas Lus Rau Cov Lag ntseg Thiab Tsis Hnov Ntsej

Lus Nug 1. Kev lag ntseg lossis tsis hnov lus cuam tshuam li cas rau kev hais lus thiab kev loj hlob?

Lus Teb 1. Kev hnov suab thiab cov lus tuaj yeem pab cov menyuam kawm tau lus. Txawm li cas los xij, kev hais lus thiab kev hnov lus tsuas yog ob peb txoj hauv kev kom tau txais kev txawj lus. American Sign Language (ASL) muab kev kawm lus ntxov uas tseem ceeb heev rau lub hlwb kev loj hlob thiab kev kawm nrog luag sib raug. Cov menyuam yaus uas raug ASL

thaum yug los mus ncav cuag cov hom phiaj ntawm kev hais lus thiab tsim kom muaj kev paub lus thiab qhia siab. Kev kawm lus mas tshwm sim tau los ntawm kev nyeem ntawv, saib cov duab, piav tes, thiab ua si. Tsis tas li ntawd, kev sib cuam tshuam uas suav nrog kev piav tes piav taw, lub ntsej muag, thiab lwm yam kev sib txuas lus tsis hais lus, tuaj yeem pab tau tus menyuam txoj kev loj hlob ntawm kev kawm lus.

Lus Nug 2. Cov neeg Lag Ntseg thiab tsis hnov lus sib txuas lus li cas?

Lus Teb 2. Muaj ntau txoj hauv kev uas tus neeg Lag Ntseg thiab tsis hnov lus mam sib txuas lus. Txhua tus neeg muaj qhov tshwj xeeb thiab muaj kev sib txuas lus sib txawv thiab kev nyiam raws li kev teeb tsa thiab lub hom phiaj ntawm kev sib raug. Qee hom kev sib txuas lus muaj xws li:

- ASL
- Hais lus
- Nyeem lus hais (saib twm cov di ncauj)
- Piav tes
- Kev sau ntawv
- Saib hauv yeeb yaj kiab ntawm xovtooj
- Lwm Yam Kev Pab Sib Txuas Lus Ntxiv (AAC)

Kev Pab Sib Txuas Lus Rau Cov Lag Ntseg Thiab Dig Muag

Lus Nug 1. Qhov uas Lag Ntseg Thiab Dig Muag yog dab tsi?

Lus Teb 1. Qhov Lag Ntseg thiab Dig Muag yog ib yam uas ib tug neeg tsis hnov lus thiab tsis pom kev thooj txhij. Ib tug neeg Lag Ntseg thiab Dig Muag tej zaum yuav muaj qib txawv ntawm kev pom thiab/lossis hnov lus. Muaj qee qhov kev pabcuam hais txog Qhov uas Lag Ntseg thiab Dig Muag ntawm Lub Tsev Haujlwm Saib Xyuas Kev Txhim Kho Lub Vev Xaib:

[Cov Kev Pab rau Cov Lag ntseg, Tsis Hnov Lus thiab Muaj Ob Qho Thooj Txhij](#)

Lus Nug 2. Cov neeg Lag Ntseg thiab Dig Muag sib txuas lus nrog lwm tus li cas?

Lus Teb 2. Cov neeg Lag Ntseg thiab Dig Muag tuaj yeem sib txuas lus tau ntau txoj hauv kev uas suav nrog rau:

- Kov taw qhia
- Cov cim kov
- Piav Tes Nrog Kev Kov
- Piav tes
- Cim duab
- Siv ntiv tes ua tsiaj ntawv

Lus Nug 3. Cov neeg Lag Ntseg thiab Dig Muag siv kev sib txuas lus zoo li cas?

Lus Teb 3. Nrog rau kev kawm thiab kev loj hlob rau cov neeg lag ntseg dig muag mas nyias txawv nyias, nyob ntawm seb hom thiab theem ntawm qhov tsis pom kev thiab hnov, hnuv nyoog pib (xws li yug los lossis tau tshwm tom qab), thiab seb puas muaj lwm qhov kev ua tsis taus ntxiv. Txuas nrog rau [California DeafBlind Services](#) rau kev ntsuam xyuas uas zoo pab tau. Lawv cov neeg ua haujlwm paub txog muab kev pab sab laj, kev cob qhia, thiab kev pab rau cov tsev neeg thiab cov kws tshaj lij kev kawm thiab kho mob thooj plaws hauv lub xeev California.

